


正法念處經

卷十二

二百九十
初二

49647



Faint vertical text in Chinese characters, likely bleed-through from the reverse side of the page. The characters are difficult to read due to fading but appear to include '佛', '法', '僧', '輪', '常', '轉', '無', '間', '等', '字', '樣'.

正法念處經卷第十二

初

地獄品第三之八

元魏波女羅門瞿曇般若流支譯



又偷盜果以惡業故彼地獄中見自己物他人劫奪即便走逐既如是走閻魔羅人以利鐵刀執取斫割脉脉皆斷斷已復生又復更有餘地獄人疾走而來閻魔羅人亦復捉取刀戟杵枷皆悉炎然斫刺築打是彼偷盜惡業果報如是無量百千年歲乃至偷盜不善業果破壞無氣腐爛盡滅彼人彼處亦乃得脫



又邪行者見本婦女灰河所灑極大唱喚惡

波所推或有出者或有沒者喚地獄人而作
是言我今在此灰河惡處無導無救汝今可
來救我此難彼地獄人既聞啼哭惡業癡心
入彼灰河即於入時一切身分爲灰所爛乃
至無有芥子許在唯有殘骨後復肉生肉既
生已而復更見向者婦女稍遠於前在灰河
中而復唱喚作如是言救我救我彼人即前
而彼婦女疾走往赴既前到已欲抱婦女婦
女抱之彼婦女身皆是熱鐵炎起熾然鋒利
鐵瓜既抱得已即便攫之身體碎壞無芥子
許全處可得唯有骨在如是罪人普身皆血
唯有筋網彼地獄人欲心所覆見彼婦女而

復走往彼灰河中乃經無量百千年歲如是
惡灑如是惡燒乃至惡業未壞未爛業氣未
盡於一切時與苦不止彼處業盡尔乃得脫
如是復生飢渴燒身處處浪走復見有河陂
池清水望冷水故疾走往赴既走到已彼河
池等洋白蠟汁皆悉充滿饒惡毒蛇普遍其
中彼地獄人熱渴甚急即飲如是毒蛇和合
洋白蠟汁彼惡毒蛇罪業所作極甚微細入
罪人口既入腹已即便鹿大地獄人肚亦復
增長如是惡蛇在其身內所有一切皆悉遍
齧先齧小腸而啜食之是破戒人飲酒罪過
如是無量百千年歲惡業所誑彼蛇所齧白

鑷所燒如是燒齧死已復生戒人飲酒破戒
罪過

又復妄語惡業果故彼地齧舌如是無量百
千年歲受大苦惱乃至惡業未壞未爛業氣
未盡於一切時與苦不止彼處業盡亦乃得
脫脫彼處已處處浪走而復更見不慈心果
彼地獄人業作衆生如是說言汝等云何無
辜被燒更可無處而任於此我示汝處令汝
得樂閻魔羅人如是語已取地獄人於地獄
中更置餘處彼處別異別異苦惱多多更與
閻魔羅人如是更與地獄罪人種種苦惱所
謂在於一切方處大火所燒受種種苦周匝

嶮岸處處遍燒又復更入大身惡吼可畏之
處常燒常煮如是受苦身大極軟十由旬量
又復更入名火鬘處於彼處生受大苦惱彼
火鬘處大火甚熱於一切火此火最勝更無
相似彼火鬘處常雨火沙而燒煮之彼沙稠
浚如夏時雨復有異處名內沸熱彼處閻火
常燒常煮令彼罪人身體脹滿猶如皮囊復
更有處彼處名爲吒吒吒嚕彼地獄地一切
罪人以諸身分迭相揩割受大苦惱復有別
處彼處名爲普受一切資生苦惱彼處惡煮
受大苦惱彼如是處多有可畏惡狗師子烏
鷲豬蛇一切與苦復有惡河彼河名爲鞞多

羅尼惡燒惡灑彼處燒煮皆悉爛熟彼河熱
灰赤銅白鑷炎然沸熱百種千種惡灑燒煮
如是燒煮復有別處名無間閻罪人入中間
火燒煮受種種苦復更有處名苦瓊處罪人
入中燒煮受苦熱炎鐵輪轉在其頭一切身
分鋸割劈裂若得脫已復入異處名兩縷瓊
抖擻更燒更煮普身炎然如是燒已閻魔羅
人百到千到炎刀刺割若得脫已而復更入
瓊塊烏處而燒煮之彼處骨身如雪相似自
身生火彼地獄人各執利刀迭相割削如是
無量百千年歲若得脫已而復更入悲苦吼
處在彼惡處常燒常煮既如是煮發聲大吼

如是吼聲自餘一切諸地獄中無如是吼若
得脫已而復更入名大悲處彼人邪見非法
惡法讚說爲法彼邪見人以惡業故見所愛
色或父或子或兄或弟在大悲處而被燒煮
挨身受苦啼哭喚言我今孤獨可來救我彼
父子等極大悲苦伸臂向上大聲唱喚彼地
獄人如是見已憂悲火生燒然愛薪憂悲火
熱形地獄火猶如冰雪如是二種大火所燒
極受苦惱發聲唱喚閻魔羅人而爲說偈呵
責之言

愛火熱於火

餘火則如水

此中地獄火

愛火三界中

如是地獄火

蓋少不足言

若愛因生火

饒炎而毒熱

惡行地獄人

業盡乃得脫

愛火燒三界

未有得脫期

愛能繫縛人

在無始生死

愛火是地獄

非地獄生火

地獄火雖熱

唯能燒於身

愛火燒衆生

身心俱被燒

愛因緣生火

火中最爲上

地獄火不普

愛火一切遍

三因三處行

三種業顯現

於三時中生

皆是愛心火

天中欲火燒

畜生瞋火燒

地獄癡火燒

愛火一切燒

如是愛心火

三界皆炎然

見何不樂法

令如是心悔

閻魔羅人於彼地獄大悲之處如是呵責地

獄罪人既呵責已而復更與種種苦惱如是

罪人彼處得脫而復更於無悲閻處地獄中
煮彼處普火燒地獄人其色猶如甄叔迦樹
如是罪人若脫彼處復於木轉地獄中煮
彼地獄人在彼地獄十六處煮邪見所攝犯
比丘居惡業罪過彼人被處於無數年久時
長燒乃至惡業未壞未爛業氣未盡於一切
時與苦不止若惡業盡彼地獄中亦乃得脫
雖脫彼處復生餓鬼畜生之中無量千世飢
渴燒煮迭互相食食百千身如是畜生以惡
邪見復犯淨行比丘居戒彼人如是難得人
身如龜遇孔若生人中同業之處於五百世
作不能男犯比丘居不善惡業餘殘果報

又彼比丘知業果報觀大焦熱大地獄處彼
見聞知若人殺生偷盜邪行飲酒妄語邪見
業果如前所說又復若人毀犯清淨優婆夷
戒身壞命終墮於惡處在彼地獄在一切大
焦熱處生受大苦惱所謂苦者彼地獄處一
切無間乃至虛空皆悉炎然無針孔許不炎
然處彼人火中伸手向上發聲唱喚第一急
惡大力堅苦熾火所燒灰亦叵得又復更生
如是無量百千年歲常燒不止彼處若脫望
救望歸走向異處既如是走閻魔羅人復更
執之普炎鐵繩從脚而纏乃至於頭次第急
纏血皆上流集在頭中然後復以炎然鐵鈎

釘其頂上領下而出復捉鐵鈎急轉急挨而
復抽掣罪人血出如赤銅汁熱炎熾然灌其
身體如是無量百千年中血灌其身而燒煮
之死而復生死而復生惡業力故常一切時
如是燒煮乃至惡業未壞未爛業氣未盡於
一切時與苦不止若惡業盡彼地獄處亦乃
得脫復於無量百千年歲生於餓鬼畜生之
中若生餓鬼受飢渴苦於畜生中迭相食苦
乃於無量百千世中爲他所殺而噉食之彼
惡業人受彼苦已難得人身如龜遇孔若生
人中同業之處貧窮多病於他人所常得熱
惱心亂不止復不長命於四百世作不男人

是彼惡業餘殘果報

又彼比丘知業果報觀大焦熱大地獄處彼見聞知若人殺生偷盜邪行飲酒妄語邪見業果如前所說又復若人毀犯淨行沙弥戒故身壞命終墮於惡處在彼地獄大身惡吼可畏處生受大苦惱所謂苦者如前所說活等地獄所受苦惱彼一切苦大身惡吼可畏之處皆悉具受復有勝者彼罪人身一由旬量第一柔軟如生蘇塊閻魔羅人執持其身以微細鉗遍拔其毛合肉拔之從足至頭皆悉遍拔無芥子許而不拔處彼又如是極受碎苦唱聲大喚餘地獄人聞之心破開烈分

散心怨所誑造作惡業自業所誑如是聲出
地獄罪人如是受苦閻魔羅人爲呵嘖故而
說偈言

欲心出甜語

聞甜語欲發

欲語是大惡

今受如是果
寧自割其舌

欲語最利刃
不說姪欲語

彼刃自割身
欲所誑衆生

瞋心急熾然

癡心所秉故

說姪欲甜語

姪欲樂至少

作惡業甚多

癡人欲心秉

從苦而得苦

欲樂一念頃

非樂亦非常

轉身受極苦

如是應捨欲

爲欲覆之人

住於地獄舍

若不屬欲者

則不畏地獄

若入作惡業

決定受苦惱

悲苦凡鄙人

何故今唱喚

惡行地獄人

業盡乃得脫

無有多唱喚

而得解脫理

若人欲自在

作不愛惡業

癡人今受苦

唱喚何所益

若見未來果

現在喜樂善

彼人不唱喚

如汝今朝日

閻魔羅人如是噴䟽惡業行人既呵噴已復

與種種無量苦惱乃至惡業未壞未爛業氣

未盡於一切時與苦不止若惡業盡彼地獄

處亦乃得脫既得脫已無量千世生於餓鬼

畜生之中彼處脫已難得人身如龜遇孔若

生人中同業之處短命貧窮心亂不正所有

語言一切不信於四千世作不能男是彼惡

業餘殘果報

又彼此丘知業果報觀大焦熱大地獄處彼見聞知復有異處名火鬘處是彼地獄第三別處衆生何業生於彼處彼見有人殺生偷盜邪行飲酒妄語邪見樂行多作業及果報如前所說若復有人於攝威儀正行婦女行其非道彼人以是惡業因緣身壞命終墮於惡處在彼地獄生火鬘處受大苦惱所謂苦者如前所說活等地獄所受苦惱彼一切苦此中具受十倍更重復有勝者如是地獄火鬘之處以惡業故多有惡虫名爲似鬘在地獄處長似弓弦其毒甚嚴其齒極利閻魔羅

人執地獄人縛其手足敷其身體在熱鐵鈎
極熱鐵地彼地獄人如是受苦唱喚啼哭先
燒其背受極苦惱閻魔羅人取似鬘虫置其
糞門彼似鬘虫形如弓弦入其身中能作第
一堅毒急苦其觸如火初燒糞門燒已而食
食糞門已次復上行入其熟藏燒已而食食
熟藏已次復上行入其生藏即燒生藏而復
食之如是食已次第復入小腸大腸燒齧而
食如是食盡在其身內處處遍走罪人身內
如白鴿兒猶故不死如是惡虫走向咽筒走
而未到燒煮其心燒已遍食彼地獄人如是
受苦唱喚號哭彼人如是二火所燒身內則

有似鬚虫食身外則有地獄大火彼似鬚虫
食咽筒已次走向面既到面已先燒舌根燒
舌根已齧而食之如是食已走向耳根復食
其耳食耳根已走向髑髏次食其腦既食盡
已破頭而出彼地獄人猶故不死是彼惡業
之勢力故遍身有孔如是惡虫復入孔內復
爲地獄大火所燒普身內外一切炎然惡業
行故如是無量百千年歲食已復食食已復
生生已復食死已復活如是罪人受大苦惱
是彼惡業作集勢力彼地獄人彼處脫已走
向異處見大蛇衆一時俱來彼人見已極大
怖畏走向餘處如是蛇衆惡業所作走疾如

風向彼罪人到已纏絞普身周遍其牙甚利
有大惡毒齧彼罪人受百千種最大苦惱彼
地獄人如是具有三火所燒一飢渴火二蛇
毒火三地獄火如是無量百千年歲常如是
燒無有年數時節長遠乃至惡業未壞未爛
業氣未盡於一切時與苦不止若惡業盡彼
地獄處亦乃得脫既得脫已無量千世生在
餓鬼畜生之中於餓鬼中飢渴極燒遍生一
切畜生之中生生常為他所殺害殺已而食
若脫彼處難得人身如龜遇孔若生人中同
業之處於五百世為第三人所謂不男是彼
惡業餘殘果報

又彼比丘知業果報觀大焦熱大地獄處彼見聞知復有異處名雨沙火是彼地獄第四別處衆生何業生於彼處彼見有人殺生偷盜邪行飲酒妄語邪見樂行多作業及果報如前所說復有邪行於沙弥左作惡行已心生歡喜猶故喜樂彼人以是惡業因緣身壞命終墮於惡處在彼地獄雨沙火處受大苦惱所謂苦者如前所說活等地獄所受苦惱彼一切苦此中具受復有勝者所謂彼處五百由旬大火充滿一切炎然有金剛沙遍滿其中柔輦如水能燒之人猶尚畏沒況重惡業地獄之人彼地獄人入中則沒猶如沒水

惡業因故沒已復出彼金剛沙有三角塊刃
尖極利措罪人身乃至骨盡盡已復生生復
更措措已復盡盡已復生死而復活無能救
者墮炎沙中唱喚號哭呼嗟涕泣以惡業故
於彼苦處不能自脫時節長久若惡業盡彼
地獄處亦乃得脫雖脫彼處無量千世生於
餓鬼畜生之中若生餓鬼飢渴燒煮畜生之
中迭相噉食於一千世常被他人殺若脫彼處
難得人身如龜遇孔若生人中同業之處常
貧常病人所不信爲不男人是彼惡業餘殘
果報

又彼此丘知業果報觀大焦熱之大地獄復

有何處彼見聞知復有異處名內熱沸是彼
地獄第五別處衆生何業生於彼處彼見有
人殺生偷盜邪行飲酒妄語邪見樂行多作
業及果報如前所說又復有人邪見邪行於
持五戒優婆夷邊強行非法汗其梵行令戒
缺壞彼作是意破戒無罪不信業果彼人以
是惡意惡行業因緣故身壞命終墮於惡處
在彼地獄內熱沸處受大苦惱所謂苦者如
前所說活等地獄所受苦惱彼一切苦此中
具受復有勝者所謂彼處有五火山皆內熱
沸如是五山普遍地獄皆悉熱沸一名普燒
二名極深無底三名閻火聚觸四名割截五

名業證遍彼地獄一千由旬如是五山去普
輪山及大輪山道理極遠彼地獄人見彼五
山優鉢羅華於彼山中多有樹林陂池具足
希望彼處欲得安樂疾走往赴以惡業故彼
山內有大惡風所吹吹已熾然燒地獄人普
身撥轉如是燒已復見有山青色而大旣燒
受苦復更走赴望救望歸旣到彼山勢墮其
中猶如弩弦所放鐵箭射入蟻封如是入已
不知所在如是如是彼地獄人在內熱沸火
山之中沒無處所彼地獄人在於彼處如是
燒已煮已炙已又復更入閻火聚觸惡山之
中諸根閉塞受一切苦如塚納箭具受一切

惡業果報如是罪人作集惡業閻火聚觸惡
山之中受如是果甚惱急惡無主無救無有
伴侶食自業果久受極苦常燒常煮業風所
吹彼熱沸處一切身熟得出彼處無足力故
不能得走閻魔羅人而復更執置割截山以
鐵炎鋸割其人根割已復生新生軟嫩而
復更割如是無量百千鋸割受大苦惱又復
更入業證山中受大苦惱唱喚偈言

如我自作業

我如是受果

欲怨燒我故

今到此地獄

放逸地不善

欲火燒人身

彼羅繫縛我

是故到此處

我先時不知

欲果如是苦

為癡之所誑

自作今自受

無悲心惡人

將我在此處

無邊苦惱海

云何可得脫

業爲苦中苦

我今如是受

不曾見有樂

地獄苦不盡

彼地獄人灰火地獄受第一苦如是唱喚彼
地獄人常一切時受大苦惱乃至惡業未壞
未爛業氣未盡於一切時與苦不止若惡業
盡彼地獄處亦乃得脫若得脫已復於無量
百千世中生於餓鬼畜生之道於餓鬼中迭
互相見飢渴燒身於畜生中迭相食噉於百
千世死而復生彼人彼處既得脫已難得人
身如龜遇孔若生人中同業之處惡業力故
貧窮多病身分不具是彼惡業餘殘果報

又彼比丘知業果報觀大焦熱之大地獄復
有何處彼見聞知復有異處彼處名爲吒吒
吒嚕是彼地獄第六別處衆生何業生於彼
處彼見有人殺生偷盜邪行飲酒妄語邪見
樂行多作業及果報如前所說復有邪行謂
於受戒正行婦女行非梵行或時一到二到
三到四到五到彼人如是不相應行或於姊
妹或於同姓或於香火或香火婦或知識婦
誑誘邪行彼人以是惡業因緣身壞命終墮
於惡處在彼地獄吒吒嚕別異中生受大
苦惱所謂苦者如前所說活等地獄所受苦
惱彼一切苦此中具受復有勝者謂有惡風

第一勢觸極飄極吹令彼地獄罪人之身分
分分解猶如劫貝急惡抖擻如彈羊毛如是
勢急極惡大風吹罪人身毛塊毛塊分分分
散猶如細毛毛亦叵見如何者毛劫貝婆毛
彼毛既散還復聚合彼罪人身亦復如是惡
風所吹分散十方彼罪人身於地獄中惡風
如刀分分割烈碎散如沙乃至無有一物可
見如是身分毛亦叵見以惡業故一切身分
而復更生已復散欲力故尔欲如前說如
是無量百千年歲乃至惡業未壞未爛業氣
未盡於一切時與苦不止若脫此苦彼處復
有金剛惡鼠食其人根分令破碎如芥子許

受苦唱喚食人根已次食其腸既食腸已次
食熟藏食熟藏已從背而出次食其背既食
背已次食背骨彼惡業人以惡業故如是無
量百千年歲受地獄苦於長久時得脫彼處
所受苦惱既得脫已走向異處復有黑虫纏
絞其身先纏人根燒而食之受極苦惱唱聲
大喚如是黑虫常纏常食乃至彼人作集惡
業未壞未爛業氣未盡於一切時與苦不止
若惡業盡彼地獄處尔乃得脫既得脫已復
於無量百千世中於食自肉餓鬼中生自食
身肉雖自食肉而復不死以作業時自姊妹
等行非梵行自受樂故於餓鬼中自食身肉

若脫彼處生畜生中常作牝豬自食其子如
人中時於親等中行姪業故彼人彼處若得
脫已難得人身如龜遇孔若生人中同業之
處彼人常有人根惡病如是人根惡病急故
自割人根彼業因緣若自有妻爲下賤人之
所侵逼不相應人共行姪欲以作業時犯他
妻故一切惡中邪見邪行最爲深重此不善
業於世出世皆不相應

又彼比丘知業果報觀大燠熱之大地獄復
有何處彼見聞知復有異處彼處名爲普受
一切資生苦惱是彼地獄第七別處衆生何
業生於彼處彼見有人殺生偷盜邪行飲酒

妄語邪見樂行多作業及果報如前所說復
有邪行所謂比丘貪染心故不相應行以酒
誘誑持戒婦人壞其心已然後共行或與財
物彼人以是惡業因緣身壞命終墮於惡處
在彼地獄普受一切資生苦處受大苦惱所
謂苦者如前所說活等地獄所受苦惱彼一
切苦此中具受彼人常恒修習善戒而捨善
行修習惡道如是不善惡業行人習不善道
喜樂習行以惡業行之因緣故於彼地獄受
更重苦極急堅惡大重苦惱活等地獄所受
苦惱彼一切苦此中具受所謂彼處自從足
指乃至於頭炎刀剝割一切身皮不侵其肉

如是剝割一切身分與大苦惱既剝其皮與
身相連敷在熱地以火燒之身既無皮閻魔
羅人以熱鐵鉢盛熱沸灰灌其身體彼人如
是被燒焦煮受大苦惱唱聲大喚呼嗟號哭
如是無量百千年歲受大苦惱年歲無數不
可得脫常受如是堅鞞苦惱及至惡業未壞
未爛業氣未盡於一切時與苦不止若惡業
盡彼地獄處亦乃得脫若於前世過去久遠
有善業熟不生餓鬼畜生之道難得人身如
龜遇孔若生人中同業之處常貧常病得極
惡病海畔衆生同業生人形體不具所謂一
脚一眼一臂其身獨短命則不長或一日壽

如是處生是彼惡業餘殘果報

又彼比丘知業果報觀大燄熱之大地獄復
有何處彼見聞知復有異處所謂有河其河
名曰鞞多羅尼惡燒惡灑是彼地獄第八別
處衆生何業生於彼處彼見有人殺生偷盜
邪行飲酒妄語邪見樂行多作業及果報如
前所說復有邪行所謂有人燒香索婦把手
相付彼婦無過心生厭賤強與作過旣與過
已猶故喜樂而共行欲彼人以是惡業因緣
身壞命終墮於惡處在彼地獄鞞多羅尼惡
燒惡灑大河之處受大苦惱所謂苦者如前
所說活等地獄所受苦惱彼一切苦此中具

受復有勝者謂於閻聚虛空之中雨熱鐵杖
惡業所作其杖極利入在地獄罪人身中入
已極燒一切身分普皆作孔劈割燒煮一切
身分皆悉分離內外火燒受極苦惱炎然鐵
杖如是劈已極受大苦彼苦堅韉不可譬喻
彼地獄人既受大苦處處馳走墮在嶮岸岸
下有河其河名曰鞞多羅巨惡燒惡灑以惡
業故滿中惡虵罪人見之驚怖極苦如是惡
虵炎牙惡毒碎其身體分分如塵而噉食之
極受大苦唱聲號哭乃至惡業未壞未爛業
氣未盡於一切時與苦不止年歲無數若惡
業盡彼地獄處亦乃得脫若其不墮餓鬼畜

生難得人身如龜遇孔若生人中同業之處
常貧常病常有悲苦為他所使諸根不具生
在邊地凍山雪山其面極醜如草馬面唯食
根草以存性命不曾知有稻粟等食是彼本
業餘殘果報

又彼比丘知業果報觀大焦熱之大地獄復

有何處彼見聞知復有異處名無間閻是彼
地獄第九別處衆生何業生於彼處彼見有
人殺生偷盜邪行飲酒妄語邪見樂行多作
業及果報如前所說又復有人於離外染境
界繫縛貪欲瞋癡三煩惱軟修善之人而遣
婦女勸誘令退彼人以是惡業因緣身壞命

終墮於惡處在彼地獄無間閻處受大苦惱
所謂苦者如前所說活等地獄一切所受堅
惡苦惱彼一切苦此中具受復有勝者彼地
獄處有地甕虫口齧極利能破金剛令如水
沫罪人惡業有如是虫於彼惡虫所得苦惱
勝地獄苦若受虫苦彼地獄苦則為大樂彼
地甕虫破罪人骨而食其髓彼地獄中一切
諸苦皆悉和合於受虫苦百分之中不及其
一於千分中不及其一百千分中亦不及一
於彼惡虫不能得脫處處遍走隨彼彼處皆
不得脫如是無量百千年歲常燒常煮於餘
一切地獄罪人所受苦惱最惡最重受如是

苦於一切時彼地獄處如是燒煮而亦不死
以彼惡業作集勢力地獄和集常如是燒常
如是煮乃至作集惡不善業未壞未爛業氣
未盡於一切時與苦不止若惡業盡彼地獄
處亦乃得脫若於前世過去久遠有善業熟
不生餓鬼畜生之道難得人身如龜遇孔若
生人中同業之處生婬女家為彼作奴顏色
不好手足破烈恒常負水是彼惡業餘殘果報
又彼比丘知業果報觀大焦熱之大地獄復
有何處彼見聞知復有異處名苦鬘處是彼
地獄第十別處衆生何業生於彼處彼見有
人殺生偷盜邪行飲酒妄語邪見樂行多作

業及果報如前所說復有惡婬有善比丘持
戒正行於律無犯種姓有事故生怖畏入所
信家而彼舍主邪婬婦人語言比丘共我行
欲若不肯者我則舉告必令比丘於王得罰
或語我夫作如是言比丘侵我若共我欲多
與比丘佞陋居食種種美飲我與比丘二人
極樂更無人知我向人說此好比丘第一持
戒有多卧具病藥因緣具足檀越我能教化
必令比丘事事皆得彼人如是誑善比丘令
退正道如是婦女惡業因緣身壞命終墮於
惡處在彼地獄生苦處受大苦惱所謂苦
者如前所說活等地獄所受苦惱彼一切苦

此中具受復有勝者所謂彼處閻魔羅人取
彼婦女以利鐵刷刷其皮肉肉盡骨在而復
更生生則軟嫩而復更刷刷已復生生已
復刷閻魔羅人取彼婦女肉生轉多而復
坏嫩鐵刷炎然遍刷其身而復火燒如是婦
女極受苦惱唱喚號哭作集惡業常一切時
如是受苦處處馳走以惡業故見本比丘來
向其身欲意所誑疾走往趣業怨難捨如是
惡處欲心猶在見彼比丘抱其身體則入火
甕普火炎然如是無量百千年歲於苦處
受極堅鞭第一大苦乃至惡業未壞未爛業
氣未盡於一切時與苦不止若惡業盡彼地

獄處。尔乃得脫。雖脫彼處。於五百世。生畜生
中。若脫彼處。難得人身。如龜遇孔。若生人中
同業之處。則為婦女。在於城中。常除糞屎。城
中所有一切人中。最為凡鄙。貧窮醜陋。手足
皸裂。脣口兔缺。面色甚惡。無父無母。無有諸
親兄弟姊妹。常從他人乞食。活命衣裳破壞。
垢穢不淨。身闕一箱。於顯現處。身有傷破。為
諸童子之所打擲。受苦而活。是彼惡業餘殘
果報。

正法念處經卷第十二

初

戟

反居逆

斫

下上之

若反反

築

竹音

腐

爛

音上

父灑

亦死苗

漂反

攬之

上俱

全全

下正

逕

古

同

經

陂池

音甲上

啜食

上子

無辜

孤下

稠

反直

流

用

訶齊

皆上竹家

反作反

迭

反徒

措

反口

皆

猪猪

如二

同

張

鞞

反步迷

鋸

據音

裂

字上

拔

反力

結

甄

叔

一上音居延

反顏

胡感

掣

尺尺

反又

甜

反徒

添

秉

音

凡鄙

美下

弩

乃古

弓弦

下音

隼觸

下二

同

燭

煮

二同纏

絞

下上

涕泣

體上

音

剥

反必

角

如

埴

下正作塚

反

誘

酉音

堅

韉

吾下

更作

鞭

瓮甕

二於

同貢

嘒

正作

佞

反立

迦

刷

反所

八

坏

反疋

回

